

Anciuàtt

Anca quest cul careten al girava per i cuntrad del paes,
al sifulàva cunt belèsa, e un sifulen per atirà l' atension,
nela giurnàda del mercà, al so banchèt lera pie,
vegnivan tocc a fà la spesa per gudè ste delisia.

“ I mè acciughe cunt aliss, in bej fresch,
una prelibatèsa de gustà “

Al ghera nel birocc a pedaj, una sorta de prufom
al so pasacc, al segnava al so ariff.....
un mestul per serve, i scartoss de carta uliada,
e gio ste aliss e acciughe, e magari cunt olter pèss,
che mangiada delisiusa preparavan cunt pulènta,
cunt strachen e roda de pa gialt.....ghera semper di nuvità.

Certi volt al rivava cunt la cesta a tracola,
pie de pèss in mesa al sàa, e toch de giòss
per rinfrescà, altrimenti un careten rusà a màa,
cunt sarach, merloss e olter rop.....

un mistee de olter temp, un mistee de passion,
un mistee di temp andà, un mistee de ricordà....
lasèm pert chi rop che....inco le cambiàda la situasion,
bej ricord del pasàa....però lè bel a ricordà.

26-10-2017